



**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

Plurimùm Reverendo, Religisissimo ac Clarissimo Auctori, Domino P.
Procancellario meritissimo.


[urn:nbn:de:hbz:466:1-73455](https://nbn-resolving.org/urn:nbn:de:hbz:466:1-73455)



Plurimum Reverendo, Religiosissimo ac Clarissimo

AUCTORI,

Domino P. Procancellario meritissimo.



ODE.

EXi, nec lateas, liber beate!
Lucem quid refugis nitente sole
Doctrinæ Angelicæ? suis Aquinas
Affulget radijs. Apollo nullus
Tantundem potuit: ferâs nec Orphæus
Qui emovit Cytharâ potente sylvis.

Nec



Nec qui dulcisonis modis Arion
Delphinas sibi fecit obsequentes.
Tu non Euridicen vocas ab antris
Infauftis Erebi, canisve custos
Commentis veterum celebris Orco
Objectat caput, & rapi dolens fert
Consortem Thalami à canente chordâ,
Quam movit Lyricen manu peritâ,
Tu majora cies, Typoque promis.
Hæc ipsos etiam Deos requirunt
Vestes, ac superis probata vulgant,
Et glebâs animant faces superna.
Gustant Ambrosiam, Deumque cernunt
Per Te Terrigenæ, liber beate.
In Summa hæc legitur, probent quod omnes,
Non hi, qui speculantur alta solùm,
Et qui mente Deos adire tentant.
Sunt hîc, quæ Themidi placere possunt.
Legum jure legent opus periti.
Magna hîc utilitas latet patienti
Expromentur opes, Tagum feracem
Auri quæ superent, Tuasque, Cræse,
Gazas. ponderat hæc Themis, probatque.
Hoc Emblema notat, tenetque firmum.
Absit Zoilus! is nihil timetur;
Nam fungi genus est parùm æstimandum.
Bubones metuent, liber, nitorem.
Disperdes tenebras opinionum.
Palmam ipsæ tribuunt Tibi Camœnæ
Majorem veritæ, suasque victæ
Submittunt cytharas Tibi in trophæum.
Quà Titan jubar, invehitque lucem,
Et quò præcipites agit caballos,
Illuc Tu veniens timere noli.
Exi digne legi liber beate.

Unanimi plausu gratulantur

Decanus, cateriq; Professores Facul-
tatis Juridicæ Salisburgensis.